

平津館金石萃編

平津館金石萃編卷十三

後梁

匡國軍節度使馮行襲德政碑 無年月

已見王氏萃編

鎮東軍牆王廟記 開平二年

已見王氏萃編

贈太尉葛從周神道碑 貞明二年十一月

已見王氏萃編

後唐

振武節度使李存進碑 同光二年十一月

碑高一丈三尺五寸廣五尺二寸三十九行行九十字今在山西太原

振武節度麟勝朔等州觀察處置營田押蕃落
等使單于安北都護行營蕃漢馬步使天雄軍馬步軍
都指揮使北面行營都招討使
神道碑并序

前幽州節度判官朝散大夫檢校尚書吏部郎中兼御
史中丞柱國賜紫金魚袋呂夢奇撰

上

郎
太原
參軍試太子校書梁邕
書并篆額

原夫古先□□必有良輔時清則論至道以經邦和陰
陽而均造化柱石王室使不顛不危世亂則□□□而
□巖廊□塵□掃逋穢藩屏□□□□□□□□
可大故有書行事勒金石皆紀其功德及於社稷生靈
者也

公諱存進字光嗣本姓孫氏樂安人也武子之後歷世
守職邊上因以家焉曾祖巖振武節度□□□都押衙
銀青光祿大夫檢校右散騎常侍兼□□□□□祖□
金紫光祿大夫守滕州刺史檢校刑部尚書兼御史大
夫上柱國皇考佺振武節度押衙左教練使銀青光祿

大夫檢校左散騎常侍兼御史大夫上柱國 公業紹
箕裘力便弓馬入 而振譽探席穴以知名氣 心堅比鐵

獻祖文皇帝龍潛朔野豹隱雲中常以鏖虜為心平戎
是務以 公早精劍術素熟兵機肘腋之間 為任
時或 雙戟膏屬兩韃 而 風清戰罷而

太祖武皇帝嗣承 丕構致力中原屬以天步多
艱王室如燬枕戈求敵奮劍遄征平大寇而復天皇戮
叛臣而清 以 公生 武略早立戰功委以 鈐

頗著勤蹟□□□□補□□□節度押衙左廂衛隊
威雄第一□副兵馬使奏授銀青光祿大夫檢校太子
賓客兼監察御史上柱國大順元年遷殿中侍御史景
福二年五月

太祖武皇帝以公性稟淳

和言無□飾勇能排難忠不避□□錫以姓名名同之

□□榮連戚屬光生將門永依盤石之安終賴維城之
固尋補充右廂義兒第一院軍使除授銀青光祿大夫
檢校國子祭酒兼御史大夫乾寧二年十月除授檢校
左散騎常侍光化二年二月除授右廂行營馬步都虞
候三年正月兼授鷹門已北都知兵馬使永安軍使兼

守禦都指揮使五月權知汾州軍州事兼守禦都指揮
使四年四月轉充右廂銜隊都知兵馬使 公以屢立
戰勲繼承 先澤勤王 念 主為心夙夜

在公風雨如晦至天復元年四月除授金紫光祿大夫
檢校刑部尚書兼御史大夫上柱國二年三月除授檢
校兵部尚書十月加授檢校尚書左僕射 年八月轉
左廂銜隊都知兵馬使兼左廂行營馬步都虞侯天祐
三年三月奉 命權知石州軍州事時以慈隰未

歸西南為患委之大郡志在安邊 公乃和以養兵仁
而撫俗輕其徭役勸以耕農惇發者由是遂生逋竄者

以之復業遠來近悅老安少懷三〇有年一方無事百姓以為〇〇復出〇〇再生洎

今昭文睿武光孝皇帝初承

顧命之年以公舊臣

元老委以腹心送往事居慎終如始尋以家讎未雪國患必〇四方〇切於經營中土尚稽於平定知公材堪出將相可封侯必〇多難之秋能立盡忠之節五年正月制授檢校司空使持節石州諸軍事守石州刺史七年十月轉充右廂步軍都指揮使八年十二月轉授權行營蕃漢馬步都虞候尋以偽梁大舉兇鋒〇據深冀〇〇告〇〇急并汾興仗順之〇

主

上以 公久戰多謀雄名制敵俾之扈從同救阽危十
萬免徒一陣席卷九年正月奉 命再知汾州軍

州事四月制加光祿大夫檢校司徒十二月授西南面
行營招討都指揮使十一年三月收下慈州秋毫不犯
百姓復業三農以時尋制授慈州刺史已歌其化如離
石馬十二月奉 命權知沁州軍州事五月正授

諸道行營蕃漢馬步使時以魏人久厭偽庭咸思

真主烽煙相 星使交馳迎我 以救塗

炭洎 主上駐蹕在鄴以編部未肅都人乍

安每 親征常令預備將委權略罕得其人以 公夙

著廉勤素有威望九月補天雄軍都部署巡檢使行營
蕃漢馬步使仍舊 公稟命益恭守法彌嚴以理下
儉以一身犯者必誅惡者自息強豪貴勢聞之凜然偽
將劉鄩在葷縣日與

主上對壘經年時 公在都城每切嚴備有日私謂人
曰此賊固險不戰必有多謀俾於南門多排弓弩以待
之其夜果有劉鄩賊黨忽攻都城之南門弓弩齊發死
傷者甚衆遂令單騎潛報

主上於東寨於是王師盡出及旦兩軍相遇於中途五
萬光不勦戮將盡唯劉鄩遁而獲免夫破大陣

正史卷之三十三
主上之神功也守都城 公之長筭也十四年正

月轉左廂步軍都指揮使二月奉

命權蕃漢馬

步副惣管

聖上初收陽留鎮以為將取中原先通古渡防邊固圉
非 公不才尋留公在鎮守禦 公以岸闊舟遲城孤

兵少強敵在近奔衝是虞乃浚彼壕隍增其樓櫓力役
未罷果有大寇攻城內備既堅群盜尋退十五年冬隨
駕至胡柳陂大破汴寇迴十六年三月制授單于安北
都護御史大夫充振武節度麟勝朔等州觀察處置營
田押蕃落等使時 駕在德勝寨 上以

大葭未平黃河是阻貌貅往復舟楫為勞一出義師數
日方濟 公乃埋大木於兩岸貫輕舟於中河建作浮
橋以過銳棹力排巨浪勢截洪流扼彼咽喉壯我襟帶
遂使六軍萬馬朝出暮還動若疾雷履如平地十七年
二月 主上賞公之功就加特進檢校太保仍
賜御衣鞍馬金銀器物綾羅錦綵等三月授天雄軍馬
步都指揮使行營蕃漢馬步使仍舊十九年正月

主上以契丹犯境

鑿駕親征以公計出百

全謀深九椽留 公河外以禦新兇果偽將段凝領兵
攻打德勝寨 公乃夜警晨嚴出關內偁三軍勦力万

人一心泊

主上凱還祿蔭夜遁二月以

公之功加特進檢校太傅隴西郡開國男食邑三百戶
當年鎮州有不令之臣張文禮弑其主而據其位潛通
梁門密構契丹背

我聖恩恣彼凶德

主上以北門猶梗中國

未寧憤為患於腹心志先平其巢穴王師繼發廟筭頻
施鉞戮雖多攻取未下以 公開風料敵喚土知兵
付

睿謀俾就攻討四月授北面行營都招討使 公奉辭
伐罪固敵是求乃仗鉞而行鑿凶而出戈矛雪瑩甲騎

雲飛發殿地之威聲勁踰漳水作連天之殺氣直壓
川增其巖營討彼孤壘料於不日必下無何伏鷄
搏狸乳犬噬虎我師未列彼陣先成公乃獨領親軍
迎鋒力戰王師大捷唯公乘勝深入為流矢
所中身終於陣享年六十八於戲功已垂成命不相待
陳安既往長留壯士之名卞壺不迴永盡忠臣之節扶
傾柱折濟險舟沈

天子聞之輟朝百姓聞之罷市夫生受

國恩歿

於王事大丈夫之終也同光二年冬十月贈太尉則以
十一月八日葬于太原縣夏鄉莫東原禮也夫人

彭城劉氏聞詩立德約禮成規夫人渤海金氏素秉全
儀生知懿範柔順同符乎坤道賢和共出於家風有子
七人長曰漢韶河東節度押衙都軍城使兼右廂五院
指揮使金紫光祿大夫檢校兵部尚書兼御史大夫上
柱國久讀兵書頗精師律謙恭接下廉謹立身戰勝而
口不言功任重而心益為懼仁孝既聞於鄉里忠勤復
表於旂常蘊茲全才以固國邑次曰漢威河東節度押
衙安國軍馬步軍副指揮使兼都軍城使銀青光祿大
夫檢校工部尚書兼御史大夫上柱國玉堂演術金櫃
傳符亟揚破敵之功深得將兵之妙次曰漢殷前振武

節度押衙沁河五鎮都知兵馬使銀青光祿大夫檢校
左散騎常侍兼御史大夫素蘊直城早抱雄節致身以
文武之道□人以忠信之心次日漢郃河東節度□□
兵馬使銀青光祿大夫檢校左散騎常侍兼御史大夫
孝敬因心忠直成性交遊不難言行相符次日漢筠前
振武節度單于安北都護府司馬器度縱橫識略孤遠
耽書味道處約持謙樂勝□□先人後己次日祿兒率
多穎悟似有神通甫當懷橘之年自立成人之智次日
歡兒神采踈通骨氣清秀對日之年未始摩天之勢已
高可謂荀氏八龍賈生三席併生於德門者也夢奇舊

忝故惣管令公幕下十五餘年常在征行與 公同處
營寨熟公之知眷見公之事業諸子弟不以虛薄請染
柔毫敢竭荒蕪實叙銘勒庶比夫燕然立碣峴首豐碑
復旌上將之勲再墮行人之淚其銘曰

五嶽降靈四瀆騰精雄才英傑為時而生舟以濟險柱
以扶傾手撥禍亂力致昇平其一婉畫頻施嘉謨屢協德
懋九歌寵深三接績沛天潢連芳玉葉出則奉辭入必
獻楛其二量深口達才高氣孤張皇義勇個儻雄圖臂上
繁弱膏閒轆轤聲馳絕塞勢懾群胡其三經以斯文緯以
我武柔亦不如剛亦不吐名高差磨力大如虎鐵石一

心魚水

三主

其離石作牧西南之戍威以風行

惠以雲布直者必舉枉者必措俗戴二天人歌五袴琪

化行四郡恩被百姓吏守公牘獄無冤橫冰臺之瑩水

鏡之淨善人為邦室家相慶六其得魏為大守之為難經

巡務重制斷事繁威而不猛嚴而不殘奸邪氣懾豪右

心寒七其楊留初下渡口是防高樓備險大□□長城高

如金壕浚如湯摧敵制履拓土開疆八其

天子恩深將軍戰苦仗節擁麾兮茅列土作鎮單于以

扼窮虜畫錦而行不獨前古九其九曲連天隔彼口黨白

浪崩騰洪流滉瀟造舟為梁誰謂河廣謀而後行利有

攸往其趙有不廷于國之紀作蔭一方構禍千里煙塵未滅口口之口力戰酬恩歿而後已其桓桓上將弼

我元后馮聖大樹周居細柳忠不負名勇不期壽

天長地久勲庸不朽其

缺當石作副都料楊口克鏤

右碑題

上闕

武節度麟勝朔等州觀察處置營田押蕃

落等便軍于安北都護行營蕃漢馬步天雄軍馬步

軍都指揮使北面行營闕前幽州節度判官朝散大

夫檢校尚書吏部郎中兼御史中丞柱國賜紫金魚

袋呂夢奇撰

上闕

叅軍試大子校書梁邕書并篆額序

云公諱存進字光嗣本姓孫樂安人也按史存進在
義兒傳振武人名重進失其字而非樂安碑云曾祖
巖振武節度都押衙闕左教練使銀青光祿大夫左
散騎常侍為史所遺史云太祖攻破朔州得之賜以
姓名養為子而碑云太祖以公早立戰功補節度押
衙左廂衙隊威雄第一闕副兵馬使奏授銀青光祿
大夫檢校太子賓客兼監察御史奏授者朝廷之銜
也歷大順至景福二年五月始榮連戚屬補充右廂
義兒第一院軍使戚屬者即史所謂賜姓名而碑文
其詞也義兒第一者即史所謂養為子而碑據其名

也然已歷試之而後充義兒非初得之而即養為子也史云從太祖入闕破黃巢從莊宗戰栢鄉為碑所遺其在太祖時碑云乾寧二年十月除授散騎常侍光化二年除授右廂馬步都虞侯三年正月除授鴈門已北都知兵馬使五月權知汾州軍州事權者代署之謂四年轉右廂衙隊都知兵馬使天復元年除授金

下失八行共一百六十八字

莊宗初得魏博以為天雄

軍都部署同碑云劉鄩在莘縣與主上對壘公于南門多排弓弩待之鄩夜攻都城弓弩盡發鄩逃免為史所遺碑云十五年冬大破汴寇十六年三月制授

單于安北都護御史充振武節度麟勝朔等州觀察
處置營田押蕃落等使史止云節度其餘皆遺上以
大兵渡河公埋大木于兩岸作浮橋盡渡十七年二
月就加檢校太保賜御衣鞍馬與史同而史云以葦
竿維大艦又與埋木異十九年正月契丹犯境親征
二月加檢校太傅封隴西郡開國男食邑三百戶四
月授北面行營招討使為史所遺乘勝深入為流矢
所中没于陣與史同史則詳言李嗣昭戰歿存進代
之軍于東垣與張文禮子處球戰殺處球兵殆盡碑
所失載年六十七子漢韶漢威漢殷漢闕漢筠祿兒

觀兒而止漢韶一人同光二年贈太尉以十一月葬
蓋太祖置義兒軍如李嗣昭等甚衆與存進異故史
于李嗣源僅書其所賜之姓名不以子書也若存進
為太祖所親愛莊宗所信用其除授左右廂等職皆
出于已至云制授制加則承制而命之也史于義兒
傳略故予全錄碑文以記其異同云

金石錄補

李存進碑在太原縣鄭村僅露碑頂曹秋嶽發之樹

大道上

金石錄補

新史載存進事甚略以碑文與舊史本傳及莊紀校
之舊史父佺世吏單于府而碑載曾祖巖祖某皇考

佺為府寮皆兼大銜蓋唐末官屬都假階也舊史有
子四人而碑載有子七人為小異其叙存進戰功及
死事舊史視碑較詳而年月官階亦無違異葉九來
僅見新史又未合莊紀考之因多異同錢竹汀亦坐
此病舊史存進初仕嵐州刺史湯羣為部校獻祖誅
羣乃事武皇碑但言初事獻祖不及湯羣體例空然
新史言太祖攻破朔州得之頗失實又碑言享年六
十八舊史作六十六轉寫誤也

四錄堂
類集

增福寺僧令欽等佛柱記

天成元年九月

記高四寸五分橫廣二尺九寸二十八行
字不等又記側四行今在河南孟縣

像柱主宋定方妻楊合家供養四行上

天成元年九月十八日院僧令欽口口惠進記四行上

後村維邨立幢子二行上

維邨張厚 張君集 韓達 廨用 梁道逢 甯達

韓口 劉珪 李万口 九行上 共

本社甯章合家供養三行上

當村西頭甯温合家供養三行上

大宋宣和三年三月廿三日二人記已上三行 疑後 有姓名未拓

佛弟子二行上

王口為母二行上

重修定晉禪院千佛邑碑

天咸四年九月

已見王氏萃編

石窟寺尊勝院羅尼經幢長興三年八月

高六尺六寸周廣五尺七寸五十五行行約七十餘字不等行書今在河南鞏縣

經文不錄

維大唐國洛京河南府鞏縣淨土寺今於當寺建堅尊勝經石幢伏願 皇風永扇玉葉連芳內外群臣惟忠惟孝次願鎮縣官寮惟清惟政先亡父母師僧和尚及兄楊簡姪楊璠當處土地護伽藍神前後亡歿師僧伏自所年兵革非理煞傷覩此勝因早證菩提之道

長興三年壬辰歲八月己酉朔十一日辛未建立鞏縣
淨土寺主僧恩榮師惠超

幢在鞏縣淨土寺按淨土寺即魏石窟寺王世充與
李密相持世充渡洛水過倉城爲營與密戰于石窟

寺東即此寺也

中州金石志

龍潭寺經幢應順元年正月

高五尺七寸周廣五尺二寸五十二行行
七十四五六字不等正書今在河南濟源

經文不錄

我聞是法不可顯示妙用施爲形可彰矣應時就物不
負萬機接化隨方圓通事理故有立幢爲相揆大智於

目前用咒為文開法門於世界真言真語善聽者知音
勝地勝幢解相者不動故如是住寐照雙通一真之道
分明七達人天何有頂光三帀三世一如却人面門更
無餘事今有迎慶禪院檀越浩直懷其口信布地黃金
殿宇房屋儼然周帀崇之未已更立經幢削玉瑤珞贊
□□□審觀無縫權依匠者之功諦視通圓非寄鄉人
之手獨為尊勝將萬類以難齊隨處因緣滿塵沙而有
異從此流布□會□情頻□法門一時成世伏願□□
遠代永出苦輪次保家眷尊卑□□貞吉

祖克用

父玩 母凡氏 兄河陽節度押衙充濟源鎮遏使

從貴妻郭氏姪河陽節度押衙銀青光祿大夫檢校御

史大夫□□弟□□□使□騎尉從暉 弟從朗

幢主浩從直 妻□氏 亡妻張氏

應順元年歲次甲午正月壬申朔廿一日壬辰建

院主僧行岑 典座僧行嵩 燕州尚谷匠人侯晏

馮彥暉

龍潭寺經幢 應順元年閏正月

高五尺七寸周廣五尺二寸五
十二行行約八十字不等正書

經文不錄

陀羅尼者諸佛頂相万法正宗有無難到是非莫及力

大而千聖不立慈化而三界通收放一淨光照無量國
迴來三帀旋繞殷懃却入口中無問自說便將微笑造
一人天吾有密号陀羅能消惡道此則智鋒快利善惡
俱摧□□□然毗那住世今有迎慶禪院邑衆十一人
並乃恬愉是性清白為心每引獻供之緣知道如來不
隻佛心潛會凡體自通而於善巧化門共主經幢於此
可謂造石疊玉鏤錦攢花真言字字無生實語行行見
道願將此福廣若□□□□□有情共入真常之道

院主僧行岑 典座行高 勾當小師明朗

雲水竄閑書 邑人浩直

邑人張鐸張璠李遠脩 楊知遠 楊璠 鄭景思

王釗遠 關文裕 楊知勇

應順元年歲次甲午閏正月壬寅朔四日乙巳建

石作侯晏 馮暉

尊勝經二幢在濟源龍潭寺一幢末書祖克用父玩
兄河陽節度押衙充濟源鎮遏使下多摩滅亦不知
為何人也幢中寫給孤獨園為園字尤可怪一幢題
雲水最閑書疑亦僧人法號而莫察其姓名也

中州金石志

右二幢一為濟源人浩從直建一為浩從直邑衆十

一人共建廣韵浩姓引漢青州刺史浩賞從直昆弟

皆仕後唐其祖克用犯武皇諱直書不避

四錄堂類集

張行久石幢記 清泰元年五月

石高二尺一寸廣一尺六寸十二行行約二十字不等正書今在山東益都大尹村三官廟

維大唐青州益都縣清泰元年歲次甲午伍月庚子朔

□□□□□平盧軍節度同經略副使張行久□為□

□□□□□□□□□□生張先曾有願舍緣□物等修

剎佛院壹所佛堂叁間伍□拾副前面門□座堂內裝

塑釋迦牟尼佛壹尊并阿難迦葉及觀音世志菩薩及

護法神王供養子等共計鈔土□□□斤申意者伏願

國秦人安四方無事五穀豐登次願合家清吉長幼無
災此世來生常登佛會并先亡父母早得生天然願鄉
隣姻眷並保安康三歲諸佛為護一切有情同霑福利
故記

女張氏十一娘 次女張氏三十娘 外甥貴 次女

口 女聶前攝淄州長史兼侍御史劉恕書

右幢刻記共十二行略云大唐青州益都縣清泰元
年歲次甲午伍月平盧軍節度同經略副使張行久
云云段赤亭云五代房知溫傳稱知溫鎮平盧會廢
帝起兵鳳翔知溫使司馬李冲峴之廢帝已入立冲

卽奉表稱賀還勸知溫入朝廢帝慰勞甚厚知溫還鎮封東平王給鹵簿鼓吹輅車法物是清泰元年平盧節度使正房知溫也又云知溫在鎮常厚斂其民積貲鉅萬治第青州城南出入以聲妓游嬉不恤政事天福元年卒于官其子彥儒獻其父錢三萬緡絹布三萬匹金百兩銀千兩茶千五百斤絲十萬兩拜沂州刺史其將吏分其餘貲者皆為富家云行久當時為知溫副使意必代為掎克霑其餘潤者而乃佞佛祈祐且及鄉黨姻眷然唐祚二年卽亡不數年青州楊光遠叛符彥卿以兵討之自夏至冬城中人相

會殆盡所謂福利者果安在哉

山左金石志

華嶽廟張希崇題名

清泰二年十月廿三日

已見王氏萃編

後晉

贈太傅羅周敬墓誌銘

天福二年十月

已見王氏萃編

法行寺陀羅尼經幢

天福三年四月

高三尺五寸周廣五尺五十一行行五十餘字又題名三行並正書今在河南汝州

經文不錄

天福三年四月一日建立故記

書字

施主女弟子郭氏

石作

缺下

字甚摩滅按方志汝州亦未載法行寺

中州金石記

陳渥書咒幢 天福六年七月

高三尺五寸周廣四尺五寸咒十四行記六行銜名年月十九行上下皆泐行字不可紀今在山東益都

西門內閣王廟田間

咒文不錄

伏聞至聖至靈□其唯我

將軍□鎮三□□四□□□廟臨浥水威鎮海隅

缺下

大啓發生□□而酉年年□稔歲歲豐登莫

缺下

掛

勅

將軍官□□額□□於東西兩廟相次八

載

缺下

連正祠遂發□誠勅修廊宇□一□□□一二百之□

發普願

缺下

廟主大王福位□□□壽

缺下

馬步都虞候忠勇□衛功臣檢校吏部尚□□□大夫

上柱國□□□郡公前□□□□□□大夫

缺下

缺上大使王知立□兵馬□□□謙 討擊使充兩番

通事知廟王知岳 前亳州長史銀青光祿大夫檢校

太子賓客兼

缺下

缺工部尚書兼御史大夫□□□□都尉張□□□

□使功臣散都頭史重貴□□□□務使銀青光祿

大夫檢校右

缺下

缺兵馬使

缺下

缺上光祿大夫檢校太子賓客兼御史大

夫郎漢崇

押衙充都□□使臧□□

前押衙

缺下

缺上淄州長史

缺下

缺上韓

吳越鎮海軍討擊使兼監察

御史顧承威

故隨使押衙副知客李光昆

故賀太

尉元從押衙史

缺下

缺上隨使張

缺下

隨使曹嘖

衙前樂營使任侶

弓箭

第四都十將李□□

前景州長史安承嗣

節度押

上注有金元三
十九
衙充客副皇甫譚

缺下

缺部尚書兼御史大夫王昭弼 平盧軍同押衙充都

壕寨使銀青光祿大夫檢校左散騎常侍兼御史大夫

上騎都尉劉口禮 維那隨使押衙牽攏軍使李口歆

隨使押衙知右葉口口口秦希福

缺氏新婦魏氏 女弟子胡氏 張榮 杜仁美 劉

榮奇母李氏 吳知進 李唐暉 信景 女弟子口

氏 楊氏 男

缺下

缺上遠修演口口修 孟元裔 穆

缺下

缺上嗣

女弟子

輅氏 王氏魏氏

缺下

缺上 高知萊 梁讓 王守誨 于知紳 口廷溫 聶

誨 韓下 缺

缺上 張廷翰 劉漢肩 潘暉 口口口 井光泰 余

仁美 張下 缺上 皇延廣 潘延下 缺

缺上 女弟子馬仲師 弟仲貴 陳知蘊 缺上 知嚴妻

李下 缺

缺上 嗣 母張氏 新孃張氏 孫誨 路唐殷 李宏

口 逢處龍 朱處下 缺

缺上 劉氏 楊光允 劉重鼎 妻苗氏 顧友彪 翟

遷 郝令口 周下 缺

上邢守謙 馮思誨 馮德遇 母張氏

下缺

上氏 管氏 董氏 張氏 魏氏 周氏 馬氏

下缺

上神女 法氏 蘇氏 □氏 蕭氏

下缺

上副社 □知壽 社副秦布 □ 社 □史 □ □擊使

史

下缺

天福六年歲次辛丑七月己未朔十日戊辰建

右幢上下皆有殘闕銜名中有稱牽攏軍使者頗新
異當時國事繁促職官多隨事命名非有定制吳越
自天福元年奉晉正朔官屬皆其自署此稱吳越鎮
海軍討擊使兼監察御史顧承威等想亦奉使之臣

與雲門口功德記所列彭湯李三人皆可補十國春秋之遺也段赤亭益都金石志云五代史楊光遠傳天福五年徙鎮平盧封東平王以其子承勳從此碑所稱廟主大王必光遠也其餘書銜姓名可辨者悉不見於史內云廟臨浥水似誤指南陽爲北陽矣此幢建于天福六年越三年光遠叛晉符彥卿東討光遠嬰城固守自夏至冬城中人相食幾盡其子承勳囚之以降帝使李守貞殺之光遠死後漢高祖稱帝又贈爲尚書令封齊王命中書舍人張正撰光遠碑銘即以其子承勳爲平盧節度使刻石于青州碑石

既立雷擊碎之而此碑光遠姓名亦殘毀是天不欲

留惡人之蹟歟

山左金石志

此幢前十四行刻威神咒非即尊勝陀羅尼經咒也
幢內亦無書人名氏山左金石志及訪碑錄皆題為

陳渥書陀羅尼經幢恐非

四錄堂類集

吳越文穆王錢元瓘碑

天福八年四月廿日

碑高一丈三尺廣八尺三寸五十一行行
九十字有篆額未拓今在浙江錢唐墓所

大晉故天下兵馬都元帥守尚書令

下缺

推忠興運致理功臣銀青光祿大夫守尚書右僕射兼

中書侍郎

同中書門下平章事上柱國汝南縣開國子

食邑五百戶實封一百戶臣和凝奉

勅撰

上缺宣賜碑文兼書碑使朝請大夫守司農寺卿上柱國

臣權令詢奉

勅書兼篆額

噓唏化北溟而歸南溟者豈藩籬之羽翼行西海而遊
東海者非池沼之鬻鱗大鵬搏扶文鯨迅疾一息万里
壯哉偉哉所以二華截靈河不無擘者六鰲負仙島亦
有釣人豈殊乎傑出一時姓誇千古開桓文之列國襲
吳越之真王汎牽牛婺女之奧區允常壽夢之
故地犀渠鶴膝俗尚雄豪煮海鎔山人多富庶有九谿
六谷之廣通三江四瀆之饒非閭世英奇豈能

開創

丕構非承

家賢哲豈能光大

勲門尊長

累朝絲聯數世今見

吳越國矣

武肅王

以雄傑之姿居喪

亂之代拂衣雲壑礪劍烟巖立

勤勞於六十年

間拓封疆於三千里外名光華夏

誓著山

河當四境多虞即主盟而稱霸及中原甫定即述職以
來 廷履行功庸富貴壽考已載於世家矣

王爰居長德早已嗣承益昌家

國之基復積

子孫之慶方繁

夾輔忽罹淪亡巨嶽其積上元

不慙

英靈謝世

德澤在人爰有

嗣王克光

前烈陳元方序先君之美胡伯始稱

乃父之清乞書無愧之碑願列不刊之史

皇帝孝治寰海

仁守寶圖終覽奏章備明

哀懇

恩殊常品

寵異羣藩爰

詔輔臣俾光先正叙曰

錢氏之系

□□□□

按氏族廣類風俗通曰周禮有錢

府上士之官其後氏焉漢史有錢讓晉史有錢鳳宋史

有錢樂之陳史有錢導載前朝有配饗功臣巢公錢九

隴近則有翰林學士右丞錢起光前映後皆見信書列

派分枝咸爲著姓

曾祖宙累贈太尉尊道貴

德應運 適時韞陸瑁之義風包王常之忠節德星聚處

早光陳寔之門仙鶴去時已云孫鍾之貴 祖寬累贈

太師澡身浴德著信 立誠幼則比其雙珠長則方於三

虎簪纓劍佩生參臺省之資簋盞鈇登 歿享公王之祭

考諱鏐天下 兵馬都元帥□□□尚父吳越

國王謚武肅 七耀 祥光五行秀氣躬嘗墮於九日夢

曾到於八 天項藉喑鳴人皆披靡甘寧 警秋敵已悚惶

頃者土德崩離乾綱弛紊當戎馬生郊之後乃龍蛇起

陸之時於是金壁延才英賢畢附 五 觴撫士勇毅爭歸

繞思倚柱之謠尋應懸 刀之夢苦身 焦思沐雨柳風戰

波浪以拓城隍滅烟塵而靜邊鄙神資福地民詠樂郊
所以翼子貽孫永使尊同佐漢 王即武肅之弟

七子也諱元瓘字文賢杭州安國縣人也能章鳳安金

相玉振五色露迴推溫潤九天霞別是輝鮮象弭弦開

射雲鴻而中鏞金壺墨湧書巖石以成文智自神傳才

由天縱馬鄭將口於學校早洞禮經孫吳未演於韜鈴

已明兵法薩孤延之沈勇電蕪蚪鬚五盧績之至誠泉

生馬尼三時不害六府孔修理民則簡靜居懷恤物則

仁慈在念銅斗鐵尺俾列肆以均平魚網兔置試小民

之遊惰五稼則分歧合穗萬民則棄戟捐矛每行 阜

蓋之春復繼緇衣之美 王起家為鹽鐵發運巡官奏

授尚書金部郎中

賜紫金魚袋尋以偏裨

許再

思徐綰等狼心素野鼠首無恆忽構狂謀私邀外祿田

頥言惟樂禍志欲朋姦遽與烏合之徒將逞鷄連之勢

及聊加賞犒即請叙姻親苟家共譽於慈明郝氏果求

其逸少遂請行而赴選用繼好以恤人雖駐危卵益引

善道俟銷蠻獠尋却歸

寧既自孝以移忠宜經

文而緯武承

制改其端揆以親軍左旋右袖每

加訓整先偏後伍益顯機謀旬摧貔虎之師遂展鷹

鷂之勢于是領吳郡組練破處郡妖狂牲牢纒禍於軍

牙露布已懸其賊首其後邊烽忽舉隣寇相侵六奇先
視於羸師三鼓俄觀於酣戰纔交鋒鏑大廓氛霾陸征

則活擒李濟水關則兼誅渦信係俘囚而塞路收器甲
以齊山邇後欲率隣藩同修職貢知不從於藥石遂再

動於征鼙王躬領舟師壓其口境威生霆霹光奪雪

霜熊羆盡布於江心雕鷲旌飛於天面火鎔鎖斷共仗

奇謀箭壓舟平咸推敏智鯨噴駭浪龍吼驚濤擒賊將
以尋誅獲戰船而猶在因茲大捷永絕相侵備奏豐功

請

卓茂賞自此曾無虛歲繼受

明恩摠青旌

元壽之權兼黃閣

紫垣之秩匡

時濟代福國庇民事 父事

君唯忠唯孝

尚父武肅王疾生六氣 莫應兩楹欲嘗藥以無

徵幾絕漿而過毀將資冥福爰構

嚴祠修道宮

於割錦之坊創佛寺於布金之地 紅樓紺殿豈殊七寶

之金玉蓉瓊鍾不讓五雲之境尋以恭承

治命退國 稱藩俯順羣情割 哀視事連營受

賜比屋知 恩給親族以優豐待友于而敦睦

拱極之誠益至 勤王之節不渝洎

大晉開基中原無事績整梯航之 禮益傾鐵石

之心 推戴既堅 旌酬亦至封吳越

國王授天下兵馬都元帥又授尚書令金印玉冊

□ 裳竝復世官可明 朝獎九重城內解寶

帶以 頌宣十二閑 中選名駒而

錫賚天福六年 □ □ 王以 弟兄 歸任絲竹張筵

因抒嘉篇久吟警句別淚已多紅蠟淚離 孟頫滿綠荷

孟詩罷酒闌情傷 疾作其後融風忽扇烈焰俄烘駭愕

既多虛羸遂甚上池之藥無効 聚窟之香不神 至八月

二十有四日 薨於瑤臺之正寢享年五十有五即以七

年二月乙卯朔十九日癸酉備鹵簿葬於國城之南原

禮也

先皇帝初

聞訃奏倍極

悲傷久輟

視朝厚

頒祭禮

王娶扶風馬氏

故雄武軍節度使同

平章事綽之女也賢明無對令淑

罕儔翫圖史之華著組紉之妙如賓合禮迨下符詩方

緊內助之功忽動早凋之歎手拳魯字既叶嘉祥腸逸

吳門復彰吉夢先二年薨有

子十三人

嗣王引佐粹和正

氣嚴

重英姿鷓鴣著瑞世之文驥子

騁晚雲之步無益之事略不經心非法之言未嘗出口

咸推夙習共仰老成服周孔之楷模繼曾顏之士行寔

興門之良盾乃

構夏之全材自罹

憫光 共傷羸瘵楚弃疾 正當拜處早顯神符 孫仲謀未
是尖時須從衆議尋知 國事經稟

朝恩行慶賜以治人心省 科徭而求 民瘼而 況郭汾陽
之將佐皆是公侯蕭丞相之宗親咸從軍旅同心協力
送 往事居市無易肆之 誼戶有不局之詠

朝廷喜其

嗣襲尋降

渥恩便封列土之王用獎

克家之子

制授引佐起復鎮軍大將軍左金吾 衛上將 軍員外置

同正員檢校太師兼中書 令鎮海鎮東等軍節度浙江

東西等道管內觀察處置兼兩浙鹽鐵制置發運營田

等使杭州越州大都督上柱國吳越國王食邑一萬戶
食寔封一千戶仍賜保邦宣化忠正功臣次年又如食
邑七千戶食寔封三千戶仍改賜保邦宣化忠正翊戴
功臣長子引俱温州靜海軍使先一年卒次曰引偁東
府安撫都指揮使次曰引侑弓馬諸軍都指揮使次曰
引傳先立為吳越世子先一年薨次曰引侗衙內諸軍
副都指揮使檢校司徒次曰引偁衙內諸軍左都知兵
馬使檢校司空次曰引傲衙內諸軍右都知兵馬使檢
校司空次曰引億衙內諸軍左右馬步都虞候檢校左
僕射次曰引偁引儼引仰並檢校禮部尚書瑤山並秀

珠樹相輝學禮言詩咸聞博瞻
彎弓弧擊劍盡富韜鈴姜
被同歡田荆永茂次曰引儒為國披緇法号少悟捨

王公之娛樂就法宇之清幽湯休尚著於文章支遁猶
憐於馭遠有女四人三人各有粉田一人早棲禪

宇 王惠洽三吳威加百越近則同趙佗士燮遠則
方句踐闔廬服太叔之九言師宣尼之四教 十

朝獎重三紀光華擇吉日以宣 恩選名臣

而將 命癸巳歲命將 作監李錯為起復使戶部

侍郎張文寶吏部郎中張絢為守中書令使甲午歲命
給事中張延兵部員外郎馬義為冊封吳王使乙未歲

命右常侍孔昭序駕部員外郎張琦為冊封越王使丙

申歲命禮部尚書兼太常卿李懌戶部郎中姚暹致為

吳越王金印使戊戌歲命禮部尚書兼太常卿程遜兵

部員外郎韋稅充吳越國王官告使己亥歲命尚書右

丞王延司門郎中張守素充吳越國王冊禮使庚子歲

命刑部尚書李懌膳部郎中薛鈞充天下兵馬元帥官

告使辛丑歲命右諫議大夫高延賞兵部郎中李元龜

充天下兵馬都元帥并尚書令官告使壬寅歲命太子

賓客聶延祚吏部郎中盧撰為尚書令冊禮使議者以

王三端迫著五福俱全且夫體物緣情才思逸於盧

駱象形會意筆法繼於歐虞補芸閣之舊編著錦樓之
新集六角扇裁之讓美五朵雲韋陟懋工褒之者入雲
霄控之者墜泥滓孰不避 王之筆端乎勇可抉門力
能扛鼎燧象燧牛之智屢有成功添竈滅竈之謀累聞
破敵射穿蹲甲彈落翔禽著白袍黑稍之威受琅矢彤
弓之錫陸斷犀兕水斬蛟螭孰不避 王之劍端乎智
周物表言合機先能悅豫以使人善撫循而感物剛柔
有節語默中規通白虎之羣書繼碧雞之秀辨孰不避
王之舌端乎爰自妙齡至於壯齒聳風姿而岳立蘊
器度以川渟凡有位以必昇至 無官而可授天下之譽

香已播人間之榮樂寔多雖未及鮎背雞膚亦已有霜
鬚雪鬢豈不曰壽乎鎮千乘之邦食萬鍾之祿明珠大
貝輻湊一方霧縠冰紈雲屯百帑龍猛之金山頗小齊
奴之錦帳未多採聲妓於娃宮合絲簧於綺閣豈不曰
富乎骨秀神清凝脂點漆飲五斗而未醉食方丈而無
餘鄙西蜀之相如常縈消渴笑南朝之沈約每苦清羸
朗韻如鐘豐肌若瓠豈不曰康寧乎於

家孝弟事

國忠貞薄於己而厚於人訥於言而敏於行故

麋隱鹿每積陰

功恤寡

矜孤常施厚惠豈不曰做好德

乎疾疢雖加

襟懷不撓如浮

雲之易散念息景

之難停啓手足而保全傳

莫羨而得所豈不曰

考終命乎有是象美天何恨焉臣素乏口才仍疎腹稿
方愧弼諧之績又虧紀述之能仰奉 絲綸俾銘琬琰
辭讓不獲漏略斯多雖文過江南不及韓陵之石而

恩深浙右必同峴嶺之碑仰副

聖慈謹爲銘曰

雲起龍驤 化爲侯王 鴻壽鳳翥 鸚立鷹揚 凜

然勁氣 卓爾雄鉞 大名之後 五世其昌 武肅

開基 奄有吳越 恩洽百城 名馳雙闕 旣委招

懷 復專征伐 燾土苴茅 秉旄仗鉞 尚父弃代

元帥承家 傳榮襲慶 奕葉重葩 有典有則

去甚去奢 威名烜赫 事望光華 譚藪縱橫 詞

源浩渺 曹植思遲 崔儵書少 月夕花朝 猿巖

鴈沼 筆落絳牋 風清綠篠 神傳射訣 天富兵

鈐 龜文月角 燕鷁虬鬚 威能伏獸 名可愈疴

撫衆以惠 待士持謙 事必有恆 政皆求理

扶弱過強 先人後己 但見偃風 莫聞狎水 阜

康蒸黎 廊清邊鄙 量陂素廣 德岳弥高 禮延

耆舊 令肅權豪 庭趨忠烈 府集英髦 講論韜

略 獎勸勲勞 自再稱藩 益勤述職 虔布 詔

條 動遵楷式 每陳貢輸 常踰萬億 表率方隅

匡扶 社稷 功庸罕對 渥澤無倫 禮優伯舅

位極人臣 鎔金鏤玉 龜紐龍綸 永言當代

莫繼芳塵 禁暴戢兵 取威定霸 方賴控臨 忽

聞 薨謝 雲慘長空 星沈永夜 號慟軍民 涕

泗 華夏 初聞 訃奏 尋輟 視朝 深嗟旦奠

不及松喬 倍加 贈襚 久罷簫韶 君臣分至

水陸程遙 間 傑淪亡 英賢繼襲 擗踊悲摧 無

所追及 益務撫循 加之周給 人情既安 兵威

自戢 一方肅靜 三世輝榮 朝宗事大 誓表傾

城 欲光家世 上奏 聖明 願書貞石 用顯聲

名 金玉令人 鼓旗良師 德盛功崇 文經武緯

述之莫窮 言之無愧 庶幾乎萬歲千秋 人見

之而墮淚

天福八年歲次癸卯四月戊申朔二十日丁卯建

碑高一丈八尺餘上有一穿龜趺鵠首在錢唐縣龍

山墓道之前錢泳述 德編

碑在杭州正陽門外十里玉皇山下有篆額有穿碑

文行書字徑寸二分首行標題字徑二寸漢宛令碑

標題大於碑文數倍此殆倣其式碑除首行標題泐

缺不計外共三千六百五十五字可識者二千一百七十餘字錢氏舊謚載有全文脫譌甚多而石本泐處尚賴謚以補之碑與舊新史互校亦多異同碑云王即武肅之第七子舊史作第五子碑云諱元瓘字文寶新史作字明寶碑云癸巳歲命將作監李鍇為起復使舊史作李鑄碑云張文寶張絢為守中書令使舊史作授兼尚書令皆當以碑為正碑云王娶扶風馬氏故雄武軍節度同平章事綽之女新史鏐將有馬綽不言故節度同平章事碑云破處郡妖狂舊新史此事失載皆漏略也

四錄堂類集

李彥賓石香鑪記 天福八年九月

記高一尺一寸五分廣一尺五分八行行八九字不等刻于石香鑪底今在山東益都玉皇廟

隨便押衙李彥賓 有願造石香鑪壹口者伏爲与

父司徒離口有虧叅勤遂啓丹誠口此功德願早父

子相見事官清吉合家安樂永無哉苦

天福八年九月日記

右字刻於鑪底段赤亭云鑪不甚高可以覆而拓之

哉苦即哉苦之異文

山左全石志

後周

雲門山功德記 廣順三年十月

石高二尺二寸廣三尺二十七行行約
二十三四字不等行書今在山東益都

雲門山大雲寺重粧修壁龕功德記

講經沙門賢口述并書

伏自玉毫掩相求瞻覩以無由金像遺蹤藉修崇之可
託且我佛住世莫久像教是依了達者位證三乘漸涉
者道隆五福伏以雲門山大雲寺者未可知其始建之
時也因覽古碑云開皇年中曾有修建但以寺居峻嶺
地枕長郊觀聖像之凌夷見精藍之荒廢近則雖興新
構必知未稱舊基唯有壁龕弥多石像依稀相好隱映
儀形風雨交侵頗損雕鏤之質歲華驟邈全無彩繪之

蹤蓋事有廢興理開舒慘豈期今日獲遇信心 清信
弟子彭仁福本貫浙江寓居海岱固安賜履未返三吳
唯以夙懷善因果敦至信知修崇之可託明幻惑之不
堅是以廣造良因於諸蘭若此則因參遠寺獲覘古容
遂乃慎選良工精求彩筆果得入神之妙再瞻如在之
儀重新兩龕立妙嚴飾雖遙柰苑何異靈峯一群蒸黎
盡起歎降之想回來上友頓生恭敬之心諒此淨因必
獲多福更有同會良友亦是口知各起齊心助成勝事
仍雕翠琰以紀芳猷庶使萬古千秋不泯增修之狀陵
遷谷變常開化導之門如賢口者跡泰緇衣辭虧黃絹

常復斯言之戒敢述刊石之文蓋猥付非才而堅令叙錄既難退讓何免誚尤謹題

時大周廣順三年歲次癸丑十月戊申朔十八日乙丑建

功德主吳越國前攝金吾衛引駕長史彭仁福

女弟子駱氏 長女大師姑 次女小師姑

同會弟子吳越國延恩院隊口銀青光祿大夫檢校國子祭酒兼御史大夫上柱國湯仁厚

吳越國大程院隊口銀青光祿大夫檢校國子祭酒兼御史大夫上柱國李口書

吳越國入五臺山送供吳澮

布衣習基張遠進

五代史載吳越自唐末有國而揚行密李昇據有江淮吳越貢賦朝廷遣使皆由登萊泛海常有飄溺之患至顯德五年王師征淮克淨海軍始就陸路此碑在廣順三年貢賦尚須海運碑中彭湯李三人或卽

吳越使臣泛海至青州故有此功德也

山左金石志

修武縣尊勝經幢

廣順三年十二月

已見王氏萃編

衛州判史郭進屏盜碑

顯德二年五月

已見王氏萃編

濟州刺史任漢權屏盜碑 顯德二年五月

碑高一丈六尺四寸廣六尺廿六行
行七十五字行書今在山東鉅野

大周推誠奉義翊戴功臣特進檢校太保使持節濟州
諸軍事行濟州刺史兼御史大夫上柱國西河郡開國
公食邑二千三百戶任公屏盜碑銘 并序

朝議郎行左拾遺充集賢殿修撰臣李昉奉 勅撰

翰林侍 詔朝議大夫行司農丞臣張光振奉 勅

書

降妻魯之分濟河惟兗州大野既荒西狩獲麟之地崇

山作鎮東暝見日之峯郡國已來土賦稱大舊制非便
必惟其新蓋民衆吏少則奸易生治稱任平則時克又
皇朝建濟州於鉅野縣猶魏室分馱次為樂陵郡耶

我太祖聖神恭肅文武孝皇帝發天機張地紀皇建丕
祚 帝于萬邦不枉政以厚民生不尅法以重民

命以為分是理頒是條施之一方而用寧通之四海而
不泥者其惟良二千石乎故所選收守咸用賢能得人
者昌於斯為盛

今皇帝嗣守洪業光揚

聖謨率勤儉為天下先

惟幾微成天下務所謂

皇王網統之道明矣邦

國紀律之務成矣而研覈精鍊日不暇給以戒弛墮之
患所謂視聽聰明之德充矣內外上下之情通矣而啓
迪開納國無留事以防壅塞之弊凡軍國機要刑政樞
務事無巨細必詳於聽覽凡公侯卿士牧伯長史任無
輕重必考其才器是以設爵愈重分職愈精人人自謂
我民康家自謂我土樂粵嗣位元年冬十月一詔以
前趙州刺史任公檢校太保牧于濟濟新造之郡也麟
州之名其廢已久歲月差遠土風窳醜民忘其歸或肆
為梗重以控地既大苞荒用遐山幽藪深亡命攸萃灌
莽悉伏戎之地翟蒲為聚盜之資妓以人興嘯召或成

於風雨法由貪弊羈縻遂至於遁逃良田有蟲實害嘉
穀惟夫年苦豐稔時無札瘥滯穗餘糧栖偃于千畝京
倉坻庾阜行于九年猶或脅遊墮之夫糶耒耜之用鉤
鋤矜木竊美於鄉閭之間矧飢沍之歲乎至乃野無戰
血天藏殺機鞏甲凋戈戒鋒銳於武庫庸租井賦緩征
督於鄉肯尚或誘輕生之民聚無賴之族巢窟穴狡竊
發於晦暝之中矧兵革之際乎民既病而疇思其治醫
雖良而藥或未工盖用有所長才難求備文吏東名教
之檢則必曰導之以德盜用悔而益暴法家持剛猛之
折則必曰齊之以刑盜用駭而弥逸自非文武兼資之

用英雄斷制之才。莅是任而居是邦者。厥惟艱哉。公
天授將才。生知理本。以戰則勝。元機出應。變之先以化。
則孚心術。洞希微之表。抗一麾而戾止。撫萬室以瞻言。
以為川壅汚潢。利源派而當宜。濬畎田荒蕪。菴樹嘉苗。
而必極芟夷。於是令以先庚申之後。甲介馬負先馳之
勇。陰門提夜出之兵。獵叢社以平妖。盡誅其類。狩平林
而得兪。悉伏其辜。狂童震驚四野。竦駭狼心。盡革民患。
皆除乃峻。以隄防。斂其窳。竄決獄。盡踈其留滯。窮源用
滌。其瑕疵。分命鄉民。設其警候。伏乙夜以蒐。慝扼銜途。
而伺奸盜跡之來。若罹量。畢申命降寇。招其叛徒。息信。

署用以結其心攝伏羈雷以杜其變盜意之改若愈膏
盲非夫術以變通奸由惠照太阿所擊刺洪鍾而不留
玉弩載張應靈機而自發其孰能如此耶甚矣哉除盜
之難其來有素中古澆醜之後羣心變詐之興縱燎夷
荒或敗蕭蘭之秀尋柯伐蠹因傷杞梓之材唯賢者之
用心則是非而無混故 公嫉盜之意切而誅盜之令
嚴去盜之術行而屏盜之譽顯夫盜既去矣民將息矣
然後緩之以約束寬之以法令養之以惠愛勸之以禮
讓化之無或戾信之無或欺則龔黃之風彼亦奚尚是
以黃髮船背之叟農工商賈之類含哺而嬉旣舞且詠

以為康莊播頌雖昭盛德之容琬琰載碑宜擇披文之質郡將官吏唱言僉同乃詣闕上陳願塞羣望

帝用嘉許綸言式敷詔左拾遺李昉碑文其事以述濟民之請微臣不才孤奉明旨揣闕秘思懼遺

休聲稽實課虛所謂無愧而太史氏紀功臣之績云

公名漢權蜀國人也以武畧事累朝以戰功登貴

仕亟握兵要連分使符初牧于丹有排亂折衝之績移治于趙有安邊鎮靜之功所至皆有能名而濟之人獨能宣其事業以示不朽亦可謂賢矣系曰事有該于謠俗傳于耆舊者千載之下尚為美譚矧文之以銘而勒

之於石乎他日知使君之政者其將質於此故其詞云

道失其要 淫刑而暴 人心用違 良民為盜

令嚴而申 政肅而淳 人心用依 盜為良民

民即盜也 盜亦民也 善惡之化 實由乎人

猗歟使君 克善其治 始以嚴誅 去其奸宄

申以約束 靜其鄉里 里無墮農 鄉無狡童

曾未逾月 澄清四封 相彼林矣 豈無豺虎

暴心不生 與麟為伍 循彼陔兮 亦有荆棘

惡蔓既除 與蘭同色 使君之賢 如山如淵

濟民之頌 聲聞于天 刻石播美 垂千萬年

軍事判官朝議郎試大理司直兼殿中侍御史張穆篆額

顯德二年歲次乙卯閏九月一日丙申朔建

右碑首標題一行次撰書銜名二行文廿二行末篆額銜名及年月一行篆額者不與撰書人竝列蓋以前二人皆奉敕故也撰文者李昉案宋史本傳昉在漢乾祐舉進士為祕書郎宰相馮道引之與呂端同直宏文館改右拾遺集賢殿修撰此碑列銜正同則任周太祖朝亦仍此官惟拾遺轉左耳周世宗覽昉

章
奏詩文每稱賞之此碑辭句華瞻洵為稱旨之作書
體蒼勁有法間有異文如遊惰作游隋土耜作耒
耜是也崔蒲即崔苻案左昭公二十年傳取人於崔
苻之澤崔字唐石經後改作崔苻字唐石經原刻作
蒲皆與此合或以為唐人別體者由未細檢耳鉅野
諸生李伊晉云此碑有額題任公屏盜之碑六字碑
陰題職官人名數列拓者皆遺之

山左金
石志

中書侍郎景範碑 顯德三年十二月

已見王氏萃編

大岬山寺準勅不停廢記 顯德六年七月

已見王氏萃編

南唐

本業寺記 乾德五年七月

已見王氏萃編

紫陽觀碑 已未歲十二月

碑文從劉表本錄入高廣行字數供不可紀石
今毀以略氏所藏殘石計之每行六十八字

茅山紫陽觀碑銘并序

朝議郎守太子右諭德武騎尉賜紫金魚袋臣徐鉉奉
制撰

朝議郎守尚書虞部郎中武騎尉賜紫金魚袋臣楊元

鼎奉制書 并篆額

臣聞太初之氣其生也無始衆妙之門其本也無名積而成形散而為器軋坤運之而兩儀位王侯受之而天下貞是故斷鼈鍊石之功絕地通天之業衣裳軒冕之后干戈揖讓之君雖復遭罹異塗步驟殊致莫不協契於神明之域飲和於道德之原廣無為之為執無象之象萬物恃生而不有百姓日用而不知其迹也則格天光表化人而成俗其本也則收視返聽全真而養身至其玉檢登封蘿園啓後游神象外脫屣區中鑄金鼎而乘白雲登寒門而立玄極閔宮清廟式嚴觀律之場玉

原缺

洞金壇別啓下都之所由是靈符綜集真籙岐分三元
八會之文潛通髣髴七映九華之室密擬形容足以徵
福應於含生致孝思於時事聖人繼作靈構相望故茅
山紫陽觀者今上敬為烈祖孝高皇帝元敬皇后之所
重修也尔乃星紀儲精下為峻極河圖著錄懸示禎期
自道氣融明真科流衍治化宏開於赤縣符圖廣祕於
名山而華陽洞天實群仙之都會金陵地肺又三茅之
福鄉左憑柳汧煙霞鞞映右帶陽谷川原隱鱗伏龍靡
迤鎮以雷平之額藹齒迴合浸以護軍之潭郭真人叩
舫之池不遷雷岸許長史鍊丹之井自冽寒泉白霧紫

烟照暎其上。颯輪鶴馭往來其間。高真七人四處茲地。其後貞白先生以方德應世。肇開朱陽之館。以玉書演祕爰立昭真之臺。堂靖䟽基。方州之蹤可擬。生徒廣業。白龜之迹斯存。金紐鳳羅代相傳授。龍車虎駕世有飛井。及方靜先生以沖氣含和。體庚桑之歲計。方宗皇帝以尊師重道。屈軒后之順風。由是天眷遐臨。皇心密契。惟新舊館再易華題。丹鼎洞經。潔修無倦。芝泥龍簡。投奉相望。戶邑之民。豈止奉明之縣。樵蘇之禁。寧唯柳下之墳。故得雲物告祥。芝英表瑞。小周王之瑤水徒詠。空歌異漢帝之猗蘭唯陳。甲帳自茲厥後。代有修崇。上士

名人時時解脫雲軒羽蓋往往降靈皆著之金石播於
謠頌嗟乎四時代謝天道盈虛雖九氣長存庶刼以資
其融結而三階有象隨時因表其晦明則斯觀也將世
運以污隆與皇圖而升降亦明未啓猶多閭戶之悲白
水方興始漸高門之慶孝高皇帝猶龍孕德指樹垂陰
應樞電之殊祥肖天中之奇表甘盤就學和光於百六
之初庖正分官利見於九三之際賓門納揆有大造於
當時彤矢盧弓允至公於四海繇是法堯受命祀夏中
興補西北之不周應東南之王氣御明堂而揖群后輯
瑞玉而覲諸侯旣治定而功成更憂深而思遠乘奔馭

朽不以黃屋為尊，盱眙宵衣，唯以蒼生是念。知死為之，死敗體上德之不德，凝神姑射，端拱穆清，政舉其中事。至而應愛民重法，敦本訓農，偃革銷兵，守好戰必危之誠。卑宮菲食，懼以人從，欲之譏，故得百寶効靈，三辰薦祉。遠無不屆，迹無不安。少康光武之功，獨高帝錄貞觀開元之業，更啓孫謀。今上承積德之基，法自然之道，變化无方之謂聖，神武不殺之謂仁。學洞精微，守謙光而冲用明，昭隱伏體大度，以包荒動則庇民，不矜功而尚智，靜惟脩政，恒務嗇而勸，分聞善若驚，每賞秋毫之細，容光必照，寧遺行葦之微，化決風隨時，和俗厚常，以為

天下者烈祖之天下憲章者昇元之憲章垂裕無窮永
懷因極衣冠原廟未足盡思聲樂娛神良非至敬緬慕
在天之駕因嚴訪道之宮尋屬長樂上仙濯龍典感載
詠生民之頌思弦十亂之功乃眷靈巖誕敷明詔發虞
衡之吏集般爾之工執甄駿奔飾材廣至果園之柰供
其磬斲北芒之土給其巧樸乃新祕殿祕殿孔碩黜其
靈霄屹其穹隆瓊題乍照以晶瑩珠網交疏而窈窳震
殷雷於滴瀝拖宛虹於楹軒忽陰闔而陽開乍霞駁而
雲蔚儼若虛皇之御穆然太上之容疑馭氣以迥躋眇
陵雲而遐觀乃立高門高門有闕擬金闕之觚稜洞朱

扉而煥照龍章鳳篆以之題署霓旌絳節茲焉出入乃
建兩序紛邏迪而重深乃起層樓遯苔亭而顯敞北弥
郭干之路南亘姜巴之衢赫光影以燭坤麗丹青而藻
野速如神運恍若化宮每至日薄星迴歲之二暮桐華
萍合春聿載陽赤城旋軼之初白鶴會朝之際都人士
女舉袂成帷襲靈風而共冷天和仰雲構而方知帝力
豈止百年猶畏獨識軒轅之臺三壽作朋永闕姜嫄之
廟大哉至矣無得稱焉夫妙本大无名垂不朽槌窮神
知化之盛然後顯通幽洞靈之微立尊道貴德之教然
後致還淳返朴之理漸於人為富壽被於樂為聲詩告

於太史為典冊著於豐碑為銘篆耿光不顯其在茲乎
爰命下臣敬書令德其詞曰

邈矣至道悠哉妙門崑崙無物縑絲若存是生清濁爰
闢乾坤乃生之民乃作之君德盛惟皇功高曰帝訪道
峒山求珠赤水下或知有時稱至理三正循環鴻圖資
始於惟基命赫矣皇唐運啓再造天垂百祥少德升聞
既壽永昌時乘白雲至于帝鄉穆穆嗣君雄雄下武禮
極配天教先尊祖明發盡思優然若覩敬佇仙游式嚴
靈宇靈宇何在句金之陵丹霞夕暎白霧朝凝重屋四
注崇臺九層雲生窈窕日麗觚稜三秀交陰五便分徑

丹沙流液方洲立靖柳谷緇煙雷池寫鏡彷彿九華依
佈七映至誠則感有應斯來含真上客蕭閑逸才颯輪
條忽晨蓋徘徊浮黎認土方丈疑臺昔在聖人建言敷
教救物以慈奉先以孝敬佩真契恭聞大道顯妙用於
言象鼓淳風於億垓薦純嘏於無窮仰皇猷之克劬
已未歲十二月一日建

銀青光祿大夫行右千牛衛兵曹叅軍兼監察御史上
柱國臣王文東刻字

右碑南唐為烈祖及元敬皇后重修紫陽觀而作徐
鈔撰楊元鼎書并篆額已未歲十二月一日建王文

秉刻字按是年為周顯德六年南唐初奉周之正朔
而此不書顯德者碑在國中也然亦不敢冠以本國
年號故直書干支也邪鈔騁其詞辯極為鋪揚若忘
國步之盛時政之非者何也

金石錄補

紫陽觀碑舊在句容縣茅山稱己未歲者時後周
顯德六年南唐改元交泰後尋去帝號奉周正朔
故但用甲子紀元也碑已毀止存片石四十餘字
藏于句容駱氏此舊拓完本亦駱氏所藏家君官
句容教諭時購得之中缺廿七字適得趙文敏手
書元版茅山志補足志尚譌數字可以石刻是正

碑雖唐末時作文之佳妙不減四傑葉九來所見
本有并篆額三字則缺泐較少且有篆額今未審
所在恐世間亦無多拓本矣江寧金石志載駱氏
殘石列字多誤今從拓本附圖于左

名積而

一明之域飲和於

羸圖啓後游神象外脫

以九華之室密擬形容足

所重修也尔乃星紀

以汗煙霞韜映方

宋其問高

一七

鄭仲賢詩碑

無年月武虛谷致為南唐人

碑高八尺四寸廣三尺六寸
四行行七字今在河南偃師

鄭仲賢詩并篆

額三行
二字

秋風宋漢秋雲輕
緜氏山頭月正明
帝子西飛僊馭遠
不知何處夜吹笙

秋風宋漢秋雲輕
緜氏山頭月正明
帝子西飛僊馭遠
不知何處夜吹笙

杜正獻公題

白傅謂劉賓客詩云在在處處常有靈
物擁護今見蒙陽之詩筆斯亦近之

熙寧九年七月十日永慶院主僧文敏立石 潁川張
溫其模刻

僧文遠

庫頭 文彭

□□

文□

僧文遠以下十一字
在斯亦近之行下

南唐鄭仲賢詩篆書在緱氏鎮永慶寺攷續湘山野
錄鄭仲賢善詩可叅二杜之間又云在江南師徐騎
省鈔小篆是仲賢為南唐人而志舊列入唐詩內不
亦失攷歟鶴山題跋云徐鼎臣楚金兄弟最有能稱

如鄭仲賢郭恕先皆號善書尤為可証
偃師金石記

北漢

天龍寺千佛樓碑 廣運二年八月

已見王氏萃編